

痘疹世醫心法卷之八

痘後餘毒證治歌括 凡三十二首

痘瘡輕者自無乖逆重從來有後災不是毒邪根裏得或因調治悞中來

凡痘瘡輕者其本疎其毒微其證順自然易靨無餘毒也重者其本密其毒盛其證險自難出難靨有餘毒也逆者或伏或倒陷或倒靨幸脾胃素強調治又早不至大困亦作餘毒錢氏云其病有三一者疥二者癰三者目赤以證求之尚不止此亦有出已盡發已透靨已齊者復作餘毒此由溫補

之過飲食之失而得之故治痘後餘毒或補或發散或解利要在分表裏論虛實不可一槩妄投湯劑也

痘後留邪作腫癰或爲結核論相同但將毒氣分深淺莫使餘邪透骨縫

此由毒氣留藏經絡故於肌肉虛處或關節動搖處紅腫而成癰又或既平之後失於解利餘毒大盛外不得洩於皮膚內不得入於臟腑聚而不去遂爲之癰如毒氣淺者止生結核腫毒瘡癰而已甚者至頭項腦脇手足肢節盡掀腫作痛但發一

二處或根淺者可治若流注起伏根深蔓引者小則潰筋脫骨必爲殘廢之疾甚則綿延日久而死看是何經用引經腫時不與潰時論補中托裏分虛實決毒排膿視淺深

凡治豆癰先看何經絡分氣血多少用引經藥如太陽經羌活防風陽明經升麻白芷少陽經柴胡少陰經獨活太陰經防風厥陰經柴胡若初紅腫硬痛者以針刺之口吮去惡血以拔毒膏九十七敷貼氣實能食大便堅者用排毒散一百二十疎利之氣虛食少者用十宣散三十七或流氣

飲一百二十八毒淺而小者只內服小柴胡加生
地黃湯一百二十九外用拔毒膏貼之九十七此
治腫瘍之法也若已成膿而未潰者以鉞針決去
其膿勿使內潰已潰者用十全大補湯主之三十
八此治潰瘍之法也

遍身疥癩候何寧敗面殘形亦可矜擗搯膚傷爲毒
淺薰蒸肉爛受邪深

痘後遍身瘡癬如疥如癩膿血浸淫皮膚潰爛日
久不愈此毒氣彌縵散於皮膚宜升麻葛根湯一
防風解毒湯一百一苦參丸七十七主之若因擗

搗成瘡者只以百花膏塗之 九十八

疳蝕頑瘡亦可嫌時時流血不曾乾穿皮銷肉成癰
陷腐骨傷筋作天殘

痘後疳蝕瘡者毒壅肌肉內透筋骨外連皮膚時
痛出血日久不痊亦惡候也內服十全大補湯三
十八外以綿鹽散貼之一百二十五

毒散皮膚有數般或爲癰疹或成丹丹瘤凝結從深
論癰疹分踈作淺看

痘後毒氣散於皮膚肌肉者病有數般或爲癰皮
上起如疔瘡瘙痒爬搔更多內服解毒防風湯一

百一外以簞衣湯洗之一百三十或爲疹皮上如

蚊蚤所咬之迹或如小疥子卽麻子也升麻葛根

一加防風荊芥穩主之熱甚渴者與人參白虎湯

二十四相合服之或爲丹瘤紅腫作痛手不可近

流移上下過心腎者卽死宜內服小柴胡加生地

黃湯一百二十九外用蜚針法吮去惡血自消一

百三十一若但紅不腫不痛者班也人參白虎湯

二十四加玄參大青生地黃主之

眼中翳膜忽遮睛癰澁難開若霧雲但用湯丸頻解

毒勿輕點洗反傷明

瘡痘毒氣之爲目翳也、蓋自臟而達外治之之法、
但活血解毒而已、活血不至於熱、解毒不至於冷、
五臟平和則翳當自去、不可輕用點藥、反致損睛、
宜蟬蛻散九十六、四物湯十九、加柴胡主之、

暗中強視、淚盈腮畧、見陽光不敢開、此是羞明差別、
法莫將膚翳混同猜、

痘後目閉、淚出不敢見明者、此羞明證也、惟於黑、
暗處則能開、纔見明則陽光爍之、淚自溢出、癢澁、
難開、宜洗肝明目散九十五、便秘者瀉青丸一百、

十、或能開目、只視物昏者、此血不足也、四物湯十、

九加密蒙花目中赤者洗肝明目散九十五主之
熱毒乘虛入腹中大腸乾澀便難通如逢熱結膀胱
裏澀不來時又病癰

痘後毒入腹中熱氣併於小腸則小便不通併於
大腸則大便不通如前後部俱不通者熱勢愈甚
小便不通者五苓散二十八導赤散三十五大便
不通者三黃丸八四順飲二十七三乙承氣湯三
十大小便俱不通者八正散四十六通關散一百
一十五斟酌用之

而今泄利又何如治法難將一例拘能食渴多知是

熱脉微食少又爲虛

痘後泄瀉其證有二如能食而渴脉盛者此熱入大腸也渴者內熱也食能多者邪熱殺穀也脉盛而數熱證諦也宜黃芩湯四十一加黃連如食少不渴脉微小者此裏氣虛不能禁固水穀也宜四君子湯二十加訶子肉豆寇或理中湯九加熟附子三十四甚者以肉豆寇九止之四十三

泄利頻頻見膿血此是大腸多蘊熱莫將倒陷一般論只宜解毒不宜澁

痘後便膿血者此熱毒入大腸也宜四物湯十九

加黃芩黃連枳殼荊芥穗或黃連解毒湯加生地黃八十九勿作倒靨及用劫瀝藥也

胃家有熱難留食胃冷無緣納水漿若是痘家多屬熱嘔家聖藥是生姜

胃主納而不出大小腸主出而不納痘後嘔吐者是餘毒在胃也然有冷熱二證如心煩作渴食乳甚急聚滿於胸中然後吐出如射其人面色帶赤手足心熱居處喜涼此熱吐也如乳食水漿隨吐面色青白手足冷大小便自利此冷吐也熱吐者橘皮湯四十九加黃連竹茹冷吐者益黃散四十

五痘後餘毒多是熱邪其間冷證十有一二也亦有傷食而嘔者但聞食臭卽吐不欲食木香大安丸九十一或養脾丸一百六竝用生姜湯下有飲水多而吐者必吐清水名水逆五苓散主之二十

八
一向蒸蒸熱未除治宜詳審勿差殊便難煩渴方爲實清便飢疲本是虛

痘瘡自初以來一向發熱至於差後猶不少減者此有虛實二證如大便難小便赤能食而煩渴者此實熱也以三黃丸八或四順飲二十七先解利

裏熱後用升麻葛根湯一加地骨皮鮮表熱也蓋
升麻葛根湯治瘡疹未發之先已發之後身熱藥
也如大便不秘小便不赤坐立振搖飲食不甚進
者此虛熱也以調元湯十八加知母麥門冬虛甚
者加炒乾姜或熟附子少許以調之

遍身青黑色非常口噤涎潮身反張手足時時頻瘈
瘲不逢識者少安康

此中風也瘡痘方愈榮衛正弱不知避忌忽遇節
令氣交八方不正之氣乘虛而入故爲此證宜消
風散一百三十二錢入蟬蛻末一錢分爲三服

投生姜薄荷汁及酒各數點溫湯浸之連二三服
或作癰疹或再出膚疹而愈

搐搦非時俗曰驚只因熱毒內歸心若由傷食增潮
熱腹滿多煩乃食蒸

痘後非時搐搦者有二證

一則心熱留而不去熱盛生風風火相傳其人必
喉中有痰目直上視面赤引飲居處喜冷宜導赤
散三十五瀉青丸一百十清心瀉肝後以抱龍丸

四十調之

一則病後多食胃弱不能勝穀謂之食蒸發搐其

人必潮熱大便酸臭秘洩不調或嘔吐腹痛先以
備急丸九丁香脾積丸三十三利之後用木香大
安丸九十一錢氏異攻散調理取愈四十四
手足拘攣不得伸起居艱苦只呻吟要知養血真良
法莫誤終身作廢人

痘後手足拘攣屈伸不便者乃血耗氣虛不能榮
養於筋宜十全大補湯三十八去地黃白茯苓加
川續斷多服乃佳氣虛者少加川烏炮過行經不
可誤作風治妄行發散反耗陰血也

終日昏昏似醉人口中妄語若邪侵誰知熱入心包

絡解毒安神泰宇清

痘後昏昧不辨識人口中常妄言如邪祟狀此熱移入心包絡宜導赤散三十五吞安神丸四十七

待醒後以調元湯加麥門冬生地黃十八四物湯十九加石菖蒲木通山梔子仁相間服之

卒然昏睡不知人飲食俱忘噤不醒邪毒從今都解散精神自此漸和平

痘後卒然喜睡狀如眩暈身無熱口中無妄語其人痘出必重又少食今毒氣已解正氣未復故邪退而喜睡乃否極泰來之象不須妄治逡巡甦醒

癰疽八要卷八
矣

一朝手足冷如水蓋覆重加不得溫痘正盛時爲逆證病今差後作虛論

厥逆者痘疹逆候也若在正盛之時十無一生今病已愈氣血又虛脾胃大困宜有此厥逆也用調元湯十八加當歸身熟附子主之

咳嗽聲多不得安更兼涕唾盡稠痰莫拘死局輕調理好把權宜用散丸

咳嗽者痘疹常證也有寒有熱有虛有實不可拘泥一定之法如自初出咳嗽到今未愈者此肺中

餘邪未盡也宜甘桔湯七合瀉白散五十四加牛
旁子馬兜苓主之如咳而熱大便難小便赤者此
熱毒也宜葶薶丸主之五十五大便潤者人參白
虎湯二十四合甘桔湯七主之如咳而大便溏小
便清無大熱渴者此虛也宜人參清膈散主之六
十一如咳而血出者甘桔湯七加牛旁子軟石膏
茅根汁主之如向不咳今始咳者此風寒外感也
麻黃湯主之六十七

咳嗽之時兩脇疼陰陽左右被邪干不能升降多壅
滯鮮毒和中病早安